



UNIVERSITÄTS-
BIBLIOTHEK
PADERBORN

**R. P. Vincentii Brvni, Socie-
tatis Iesv, Meditationes,
In Septem Praecipva Festa B. Virginis**

Bruno, Vincenzo

Coloniae Agrippinae, 1598

Brevis Descriptio Personae Iesv Christi Domini Nostri, Atqvue Etiam
Beatissimae Virginis Eivs Matris.

[urn:nbn:de:hbz:466:1-59989](https://nbn-resolving.org/urn:nbn:de:hbz:466:1-59989)

BREVIS DE-
SCRIPTIO PERSONAE
IESV CHRISTI
DOMINI NO-
S T R I,

ATQVE ETIAM
BEATISSIMAE VIRGI-
NIS EIVS MA-
T R I S.



VONIAM eos,
qui commentatio-
ne diuinarum re-
rum progressum
facere cupiunt in
spiritu, vitamq; suam ad viuum
CHRISTI Saluatoris nostri
exemplum conformare, ma-
gnoperè ad attentè & deuotè
considerandam sanctissimam
eius vitam iuuat, menti obie-
ctas habere personas, quarum
verba, gestus, actionesque, qua-
si ocu-

DESCRIPT. D. N.

oculis cōspectas expendunt, idcirco operæ pretiū mihi factur⁹ videor, si pro maiori eorūdem consolatione & instructione, in initio hui⁹ opusculi breuē ipsius personæ CHRISTI D. N. qui nobis velut omnium virtutum speculum, ac vitæ nostræ, sanctorumque morum norma propositus est, descriptionē præmiserō: vt sicut anima nostra creata & formata est ad imaginem & similitudinē Dei, sed postea per peccatum deformata: sic ad similitudinem vitæ, sanctissimorumque morum filij Dei reformetur. Visum est quoque adiungere, quoniam in hac parte de sanctissima eius vita agitur, descriptionē beatissime ei⁹ matris MARIE, quippe cum illam DEVS, post benedictum filium suum, nobis dederit in Magistram, & omnium virtutum exemplar, vt in-

sisten-

IESV CHRISTI.

stentes piorum more filiorū
vestigijs Matris nostræ, eius fa-
uore & auxilio perfecti effice-
remur CHRISTI filijimitato-
res, ac deinceps gratia ipsius co-
hæredes, & cælestis Patris eius
hæredes.

VT ergo initium faciamus
à persona CHRISTI D.N. cum
is secundum diuinitatem suam
sit fons omnis gratiæ, & specu-
lum omnis pulchritudinis, pla-
nè verisimile est eum secundū
humanitatem quoque fuisse, vt
Propheta loquitur, *speciosum* ^{Psal. 44.}
forma præ filijs hominum, hoc est,
omnibus hominibus pulchrio-
rem, gratiosorem, & speciosio-
rem. Erat enim, vt quidam Au-
tores referunt, & habet vetus
traditio, venerabili, egregio, vi- ^{Niceph. li.}
uidoque vultu, & simul simpli ^{1. Eccle.}
ce, graui, & maturo, prudentiam ^{hist. c. vlt.}
cum lenitate coniunctam, pla- ^{S. Anto-}
cabilitatemque iracundiæ exper- ^{ninus.}
tem.

DESCRIPTIO

tem præ se ferente. Corporis
statura recta & mediocri, ad
palmos prorsus septē. Capillis
more Nazaræorū promissis &
flavis, colorem referentibus au-
reum, persimilem intimo ma-
turarū nucum cortici, Cæsaries
eius non admodum densa, in ca-
pitis medio diuisa, æqualiter ad
aures defluens, inde verò quo-
dammodo ad crispas declinās.
Supercilia nigra, nō inflexa. O-
culi subflauescentes vt capilli,
paulo tamē nigriores, sed acres,
& clari, è quorum luce mirifica
emicabat gratia. Frons plana,
ampla, & seuerior, nasus lōgior,
in quo, sicut & in ore nullū vi-
tium notari poterat. Facies, ne-
que rotunda, neq; acuta, sed po-
tius longa, sine ruga & macula
vlla, quam ferè habebat in terrā
demissam. Tritici colorem ma-
turescentis, & cū modica fusce-
dine rubescentis referebat: tam-
que

B. VIRGINIS.

que apparebat venerabilis, ut omnes intuentes facile in amore sui & reuerentiam pertraheret. Barba spissior erat, colore eodem, non admodum prolixa, & bifurcata. Collum fuit non arduum & erectum, sed sensim decliue. Sermo eius grauis, gratus, & modestus, in reprehensionibus terribilis, in admonitionibus dulcis & amabilis: nunquam visus ridere, lachrymari sæpius. Per similis denique quoad humanitatem fuit benedictæ & immaculatæ suæ genetrici.

Quod deinde ad descriptionem beatissimæ virginis, Matris Dei attinet, sicut illa pulchritudine, & interna animæ suæ perfectione, non solum omnibus alijs mulieribus, sed etiã omnibus Paradisi angelis præstitit, ita verisimile est eandem quo ad externam corporis formam perfectissimã, & incomparabili pulchritudine præditam fuisse.

Vade.

DESCRIPTIO.

Vnde, quemadmodum scriptura prædicat CHRISTVM fuisse speciosum forma præ filiis hominum, ita de illa similiter scriptum est, illam omnibus mulieribus esse formosiorē. Fuit ergo & ipsa, vt multi graues Doctores asserunt, statura mediocri, facie non rotunda, nec acuta, sed aliquanto longiore, colore, vt filius, triticum referente, capillo flauo, oculis item flauis, subfuscis & acris, pupillis oliuæ colorem exprimentibus, & supercilijs inflexis, & decenter nigris. Nasus ei erat longior, labia florida & verborum suauitate plena, manus simul & digiti longiores. Breuiter, maiorē pulchritudinis perfectionem habuit, quam possit in corpore mortali inueniri. Tanta quoq; gratia in eius vultu resplendebat, vt Dionysius Arcopagita (teste Dionys. Carth-

Cant. 1.

o. 5.

Epip. præf.

Niceph. li.

2. cap. 23.

S. AN-

S E L.

R. Canis.

B. VIRGINIS.

thusiano, & Vbertino) cum ex *inc. 3. de*
Græcia in Iudæam venisset, san- *diuis. nō.*
ctumque Apostolum Ioannem
rogasset, sibi vt potestatem fa-
ceret videndi excellentissimam
illam creaturam, è qua princeps
& autor totius vniuersi digna-
tus esset nasci, vbi in cōspectum
eius venit, tanta claritate & glo-
ria fulgentem conspexerit, vt
prę ingenti stupore deficiens in
terram ceciderit: sed tandem
compos sui factus, dixit, nisi ra-
tione naturali & fide cognouis-
set aliam esse diuinitatē, se hanc
ipsam loco diuinitatis habiturū
fuisse. Erat in omnibus honesta
& grauis, facilis ad audiendum
& perquam affabilis, ad obedi-
endum, & benefaciendum om-
nibus promptissima: sed vide-
batur admodū verecunda, pau-
ca tantum loquens, eaq; neces-
saria. Benigna erat in omnes,
cuique suum honorem & vene-
ratio-

ratio-

DESCRIPT. B. VIRG.

rationem exhibens, sine risu, sine perturbatione, sine vlla iracundia, & super omnes excellentissima humilitate ornata.

Quod ad vestimenta attinet, eis simplicissimis, & honestissimis, ac natiui coloris semper cōtenta fuit, sicut probabile est fuisse quoque vestem inconsutilem quam suis manibus benedicto filio contexit, quæ erat lanea reticulata, colore non omnino albo, sed naturali leucopheo: Exercitia & opera, quib. B. Virgo exterius se occupabat, erant in lana & lino, vel serico ad seruitium templi: reliquum tempus sacræ lectioni, orationi, & ieiunijs, sicut postea suo loco dicetur, continenter tribuebat.

D E